

2

30. 5-245

DISSERTATIO INAUGURALIS MEDICA

*DE*

# RECTO CORTICIS CHINÆ VSV IN FE- BRIBVS

QVAM

PROPIPIO SVMMO NVMINE

SVB PRÆSIDIO

DNI. FRIDERICI HOFFMANNI

ORDINIS MEDICI SENIORIS ET h. t. DECANI

PRO DOCTORIS GRADV

RITE OBTINENDO

*Ad d. Februarii A. R. S. A. MDCC XXIX.*


*Solenni eruditorum examini fistet*

**Gottfried Wilhelm Bornemann,**  
*Neo-Hallenslebiensis Magdeburgicus.*

---

HALAE MAGDEBURGICAE,

*Typis. IO. CHRISTIANI HILLIGERI, Acad. Typogr.*





DISSERTATIO IN AVGURALIS MEDICA  
DE  
RECTO CORTICIS CHI-  
NÆ VSV IN FEBRIBVS

§. I.



A quidem innata quasi & per manus tradita tantum non omnium animis hæret opinio: dari certas medicinas, ad hunc vel illum morbum sanandum aptas semperque salutares; nec quisquam fere ex doctis, æque ac indoctis est, qui non Empiricum agat, & viso quodam ægrotante, salubre remedium in promptu habeat idque ultro commendet. At vero, erronea utique atque perversa hæc est sententia, contra quam, ceu genuinum temerariæ Empirijæ fundamentum, merito omni pugnandum studio. Vti enim in universa rerum natura corporum vires & effectus non dantur absolute tales: ita etiam nec alimentorum, nec pharmacorum facultates sunt absolutæ, sed omnes relativæ, conditionatæ & limitatæ, respectu scilicet corporis humani vivi, in quod agunt & cum quo operatio-

A 2

pem

nem suam exsequuntur. Hinc quippe est, quod, experientia teste, medicamenta eodem modo, tam ad juvandum, quam ad nocendum, sint apta; & quod omnia, quibus Medicus utitur praesidia, ita sint comparata, ut nonnullis pro sint, nonnullis vicissim, in eodem etiam morbo, ob sint.

## §. II.

Professus id jam pridem est antiquissimus artis nostræ parens HIPPOCRATES, lib. de art. § 6. ita differens: non quisvis cognoscere potest ea, quæ commodo & detrimento sunt. Et sunt nihilominus ea, quæ damno fuerunt, quam ea, quæ opem tulerunt, in testimonium arti, quod ars ipsa sit. Quæ enim profuerunt, ob rectum usum profuerunt; quæ vero nocuerunt, ob id, quod non recte usurpata sunt, nocuerunt. Neutquam scilicet gravis hic auctor omnis generis medicamentis absolute certam adscripsit salutis afferendæ virtutem, sed certo tantum respectu, nec ob id profuisse edixit, quod in certo morbo exhibita, sed quod recte, hoc est, cum judicio, non modo explorata prius corporis ægrotantis natura morbique causa & indole, sed & convenienti tempore, ordine, dosiæ proportione, usurpata, negleñtis vero hisce cautionibus, nocuisse. Quumque adeo sint medicamenta, quæ & damnum, & auxilium afferre queant, dari artem, recte omnino colligit, atque ex eo peritum atque præstantem judicat Medicum, qui diversos remediiorum effectus variasque operationes probe discernere novit.

## §. III.

Propterea vehementer optandum, ut quisque mendacium verissimum hoc HIPPOCRATIS effatum curate penitaret ac ad usum transferret. Sic sane exspiraturæ diem forent opprobriosæ illæ in hunc usque diem inter Medicos de remediiorum virtutibus vigentes discordiæ atque dissensiones. Nam turpe quidem dictu, ast verissimum

## ¶ (o) ¶

mum, plebeios non tantum & rudes, verum eruditos et iam magnique nominis Medicos, raro admodum in determinandis viribus, effectu & usu medicaminis cuiusdam, in hoc vel illo morbo convenire, sed alios miris illud di laudare encomiis, alios contra idem, in eodem morbo, damnare prorsus atque reicere. Nemo non novit, quam diversis, immo perversis iudiciis, potissimum exposita sint ipsa valida & heroica sic dicta remedia, uti quidem maxime sunt ex mercurio parata, emetica' antimonialia, martialia, opiate, draistica purgantia, narcotica, ex chirurgicis, vesicatoria, fonticuli, setacea & venæsectiones, quin quod magis mirandum, ex simplicissimis & diæticis, fontes medicati calidi & frigidis, balnea, lactis cura & cura per inediam.

## §. IV.

Idem hoc fatum expertus est allatus ex America in Europam ante LXX. circiter annos cortex, chinæ chinæ dictus. Mirum erat, quanto applausu hic primum excipiebatur, quantisque encomiis, ceu certum & incomparabile ad vincendam intermittentium contumaciam præsidium, ornabatur, nec desunt, qui hodienum magno illum habent in pretio atque honore. Sed non minor agmine surrexerunt, qui eundem impugnarunt & ceu insecurum, quin plane noxiū, veriditarunt & adhuc infamare non erubescunt. Plura quidem in utramque partem prodierunt scripta, experientiam ipsam in partes pas sim vocantia; nos tamen ita potius censendum esse arbitramur: optimum, efficacissimum & tutissimum esse hoc remedium, si quis, secundum allegatum HIPPOCRATIS edictum, eodem recte uti sciar; valde vero noxiū & insecurum, quando empirice, hoc est, imprudenter, imperite, nulla corporis ægrotantis, causæ febrilis, temporis & aliarum circumstantiarum ratione habita, usurpetur. Quod ut eo testatus patescat, elegimus hoc argumentum.

A. 3.

in

¶ (o) ¶

in dissertatione præsentî inaugurali, propitio Numine di-  
vino, penitus paullo evolvendum, ita quidem, ut addu-  
camus primum testimonia eorum, qui magnifice de hoc  
cortice sentiunt, his deinde adiungamus observationes &  
rationes eorum, qui illum noxiū, infidum & insecurum  
esse asseverant, postea ex rationali febrium doctrina  
causarumque quæ has movent explanatione, nec non prin-  
cipiis & modis agendi nostri corticis, & nocivam, & salu-  
tarem, ipsius facultatem, evictam demus, simulque ad  
dissentientium obiectiones solide atque modeste respon-  
deamus.

§. V.

Sunt vero oppido multi, qui in laudes huius Peru-  
viani corticis eunt. Ut primum enim in Europam dela-  
tus, Romæ innotuit & a Patribus societatis IESU, ut præ-  
sentissimum febrifugum, caro admodum pretio divendi-  
tus fuit, in schedula, modum usurpandi habente, de eo-  
dem iactarunt: quod omnes fere intermittentibus, etiam  
quartana, laborantes, purgato prius, si opus fuerit, cor-  
pore, sine ulla alia adhibita medicina, liberaverit. BAR-  
THOLINVS Cent. V. hist. 50. Cardinalem de Lugo, plus  
mille testimonia, hoc cortice anno MDCLIII, quo quar-  
tanæ duplices & simplices grassatæ, curatorum habuisse,  
memorat; de FONSECA vero, celeberrimo sui ævi Me-  
dico, ibidem refert, quod exploraverit nostrum corticem  
eundemque non innoxium tantum, verum etiam saluber-  
rium deprehenderit. FR. REDI de experim. nat. a. 143.  
miraculosum huius corticis effectum vocat, & TOZZI  
comment. in aph. XXV. secl. II. perhibet: febres quarta-  
nas, quas antea Medici longissimas & fere immedicabiles  
habuerunt, hac nostra ætate, unius corticis Peruviani  
ope, cito tutoque fugari.

§. VI.

Ex Italia in Galliam pervenit postea huius febrifugi  
noti-

notitia ibidemque varia pariter sustinuit experimenta, tam felici tamen successu, ut ipsi Regi ac regio Principi, febre laborantibus, non semel, sed aliquoties, insigni cum fructu, potissimum a TAGOVLTIO, sit oblatum. Eodem quoque tempore in Anglia ipsius fama percrebuit, applaudentibus tantum non omnibus. WILLISIVS quippe de *feb. cap. VI.* disertis scribit verbis: ex centum hoc remedio usis, vix unum non convaluisse. Cui accedit illustre illud Angliae decus ROBERTVS BOYLE, in *tr. de philos. experien. fidem faciens*: se una vel altera dosi corticis febrifugi, ad drachmam unam propinati, sœpius quartanas, quæ per annum durarant, abegisse. Quin DYGBAEVS *sr. de medic. secret.* sancte affirmat: ex triginta quartana detentis, quos hoc remedio liberarit, ne vel duos in eandem relapsos, & addit: culpandum potius esse Medicum, quam nobile medicamentum, si post eius exhibitionem unquam revertatur febris. Ipse felix ille & circumspexus Practicus SYDENHAMVS, in *tr. de febrib. mirifice*, ceu optimum remedium, hunc corticem extollit & methodum eadem recte utendi fuse tradit. Magno etiam adhuc apud Anglos est in pretio, uti patet ex FREINDII, LISTERI, nec non MORTONIS scriptis, qui in *tr. de febribus* ita differit: *cortex Peruvianus, consensu Medicorum bodie omnium, est carbolicum febrifugum, quod omnes febres intermitentes, in quavis anni tempestate, in omni etate & temperamento, penitus, cito, tuto & feliciter sanat, neque opas est, ut Medici ingenia sua amplius torqueant in febrifugis explorandis.*

## §. VII.

Quin in omnibus fere Europæ regionibus corticis hujus virtus ut spectata enituit. Inter Helvetos quidem Medicos multum ipsi detulit MVRALTVS & M. N. C. Dec. II. An. IX. obs. 2. aliquot inseruit historias, quod eodem, tam in senibus, quam in pueris, tertianas & quartanas

tanis curarit, tandemque enarrationi finem his memo-  
ratu dignis verbis imposuit: *in immensum volumen excre-  
sceret, si, quæ curæ nostra ex hoc pulvere experientia aliena-  
aque factæ, describere satageremus.* In Belgio celebres  
& peritissimi Medici plurimi hoc nostrum antifebrile fe-  
cerunt & adhuc faciunt, cujus testes citamus BOER-  
HAAVII & DECKERI scripta. Potissimum in nostra  
etiam Germania corticis chinæ ad debellandas intermit-  
tenttes ulus, ut laudatissimus, fuit celebratus, ejusdemque  
efficaciam salutarem tam BOHNIVS in *dissert. de minus*  
*suspecta februm fuga*, quam BERGERVS *diff. de cortice*  
*chine ab inquis judiciis vindicato*, pluribus & solidis ar-  
gumentis afferuerunt. Fuit præterea frequenti in usu  
WALDSCHMIDIO atque DOLAEO, nec non cele-  
bri quondam Ducas Cizensis Archiatro, ZAPPIO,  
qui electuario antifebrili, cujus basis chinæ cortex, &  
famam & opes acquisivit, eodemque adhuc ipsius gener,  
Dn. STREDEL, clarus atque peritus in arte nostra vir,  
non minori crebrius uititur successu.

## §. IIX.

Contra ea, sunt pariter & fuerunt permulti, periti,  
etiam, docti & clari Medici, qui minus favent huic corti-  
ci, illumque infidum, insecurum, quin plane noxium vo-  
care medicamentum, haud erubescunt. Videas compli-  
res, qui experientia & observationibus fidem sibi præ-  
struere contendentes, afferunt: usum Peruviani corticis  
non modo recidivas longe graviores, sed & novos pror-  
sus & insanabiles morbos insequi, cachexiam scilicet, tu-  
mores pedum cœdemosos, hydropem, pertinacem alvi  
obstructionem, præcordiorum angustiam, pathemata hy-  
pochondriaca & hysterica, febres lentas & hecticas, cum  
virium prostratione, appetitu dejecto & tabe, in pueris  
nonnunquam convulsivos & epilepticos motus. Inpri-  
mis acriter in febrifugum nostrum invehit BAGLIVVS

opp.

*opp. lib. II. perhibens: febrem tertianam nonnisi elapsa decimo quarto die, quo quidem sponte finiatur, febris fugi pati, & irrito prorsus conatti ante illud tempus remedia quævis, vel sine fructu, aut certe non sine ingenti damno adhiberi. Medicos intempestive febris fugis febrem veluti in ovo iugulare conari, quum paucis interiectis diebus, vel ipsa redeat velocius, vel eius loco quamplures gravissimam morbi, asthmata, hydroperes, febres lentæ, phthises aliaque gravissima mala emergant.*

## §. IX.

*Idem fere ex nostratis censet ETTMULLERVS, qui opp. tomo II. pag. 277. chinam non solum infidum vocat remedium, sed etiam pag. 598. asserit: ordinarie fere alvi præclusionem, tumorem abdominis eiusque duritatem atque dolores tensivos consequi solere, iisdemque vel successive remittentibus, vel per purgantia, aut spiritum salis ammoniaci irritatis, eandem febrem similem, interdum intensiore frigore, recurrere. PALLIUS quoque in epistola ad BAGLIVVM scribit: Gallos quidem feliciter chinæ in febribus uti, sed minime id suadendum in agro Romano, quin ridet huius corticis usum, nisi in fine ad roborandum stomachum adhibeat. Plura præterea de noxa huius antifebrilis remedii memoria consignata exempla evolvi possunt in BLENY Zodiac. Gall. med. phys. An. IV. mens. August. Anno. V. mens. Januar. nec non in M. N. C. Dec. III. Ann. IX. obs. 109. item Cent. III. p. 52. Et nostro demum hoc ævo, cl. STAHLIVS tam in theoria med. quam opusc. physico-med. p. 432. neque minus ex STAHLIO, IVNCKERVS in consp. medic. theoret. pract. pa. 261. sqq. & passim chinæ in febribus usum & in pugnauunt & reiecerunt. Quin nosmetipsi testamur, corticem hunc, promiscue atque empirice usum patum, multum detrimeni intulisse, & vel recidivas ægre & pugnabiles, vel alios sæviores morbos, potissimum post quartanam hydro-*

dropem, post tertianam pathemata hypochondriaca,  
accessisse.

## §. X.

Interim tamen neutiquam cum iis facere possumus, qui hunc corticem absolute & fere semper nōxiūm in febris esse censem eiisque usum rationibus quibusdam infestum plane reddere conantur, quasi febrium indoli, salutari successui ipsiusque naturae intentioni contrarius esset atque inimicus. Putant scilicet, febrem nihil aliud esse, quam exacte methodicam naturae medicationem, qua auctiori solidorum & fluidorum motu, causas, quae febrem movent, per congrua secretoria & excretoria e corpore proscribere nititur. Ad hoc ex voto perficiendum opus esse humoribus fluxilibus viisque apertis; adstringentia autem, quibus cortex Peruvianus accensendus sit, succos fluidos incrassare, excretiorumque tenues canaliculos angustare, quin occludere, ideoque retineri, iis usurpati, morbificam in corpore materiam, ac recidivas, vel graviores alios morbos, ciere.

## §. XI.

Autumant porro, præcipuum providæ naturae in intermittentibus esse intentionem, ut redundantem sanguinis vitali conservationi semper infestam copiam, auctiori intestino calido, ex progressivi acceleratione resultante motu, dissolutoria quadam in serum excrementitium resolutione, imminuat simulque fortiori appulsi, viscera ab inhærentibus vitiis atque obstructionibus liberet. Atque adeo motus hosce febriles esse præsidio ac medium, quo morbi curantur, graves arcentur & ea quae vitæ infidias struunt eliminantur, nee ea propter, nisi cum ingenti damno, sisti ac cohiberi. Adhæc anceps admodum esse molimen, susceptum sapienter naturae, in expellendis per secretoria & excretoria, noxiis, opus, turbare, impedit planeque contrarium adstringentibus inducere

ducere effectum, quem non possint non, præter pessimas recidivas, acerbiora longe pathemata, hypochondriaca scilicet, hysterica, lentæ febres, obstrunctiones viscerum, icterus, cachexia, hydrops, melancholiae quoque & pertinaces alvi obstipationes, presso pede insequi.

## §. XII.

Et quod maximum esse volunt, tertianæ mineram prima in regione, seu ventriculo, tenuibus, præsertim primis, intestinis, nec non adjacentibus organis, mesentariis nempe vasis & glandulis, consistere perhibent. Hæc autem quum utplurimum viscidus & tenax humor sit, provido certe consilio stringi in principio porosas & externas partes, sanguinem ad interiora agi ibidemque aliquamdiu detineri, quo sufficiens humoris seroso-lymphatici quantitas per tunicas & glandulas viscerum in ipsum rum cavitates transudet ac postea partim liquandæ & emolliendæ febrili materiae, partim ipsi eo commodiùs egerendæ serviat. Hinc colligunt, pernicioſa esse omnia ea, quæ motus hos tam apprime morbi causæ oppositas fistunt, febrilem illum lentum primis in viis humorem spissiorem reddunt & excretoria constringendo utilissimas secretiones atque excretiones tam per alvum, quam urinam & cutis spiracula, sufflaminant & cohibent. Id vero præstare chinæ manifesto constringentis naturæ corticem, hinc rejiciendum & usurpanda potius ea, quæ naturæ opus juvent, febrilem materiam solvant, & redundantem sanguinem dissolvendo omnisque generis excretiones promovendo, a materia quæ in vitio est corpus liberent, non vero eandem, febrilibus tantum motibus suppressis, cum periculo reprimant.

## §. XIII.

Sic quidem ratiocinantur corticis nostri adversarii, & fatemur sane, primo intuitu, hæc nonnullius videri momenti; an vero sint tanti, ut medentes penitus ab e-

iusdem usu deterrere possint, paullisper jam perquirere juvabit. Nititur autem omnis propemodum argumentatio sapposito principio, quasi corpori inesset agens quoddam, quod prævia intima cognitione, rationali postea intentione, ad certum finem, motus vitales, & quorum familia etiam febriles, nec non remedium effectus, efficiat ac dirigat. Sed tantum certe abest, ut eiusmodi principium in rationali medica theoria æque ac praxi ullo modo locum habere, aut quicquam utilitatis præstare possit, ut potius in explicandis intelligenter & demonstrandis medicis rebus, nec non invenientis & applicandis remediis, confusiones & errores inducat. Hinc merito in genere omnes ejusmodi loquendi formulæ, quod salutaris naturæ intentio motuumque ad certum finem directio medicamentis turbetur, quando quidem rationes, non verba danda, in disquisitione morborum medica prorsus rejiciendæ, nisi forsitan impropre & metaphorice ita loqui allubescat,

#### §. XIV.

Hoc qui tenet, facile coniugere poterit, quid de concitatis ab hoc principio febribus motibus sit sentendum. Dicunt quidem, hos in se & sua natura esse salutares; sed ita potius sunt comparati, ut perniciem intentent & sapientem naturam imprudentiae, quin plane dementiae, aperte arguant. Ecquis enim in arte exercitatus est, qui ignoret, illum in febris omnibus obvium a circumferentia ad centrum motum, cum vehementi partium externalium ac nervosarum spasmo & convulsiva quadam agitatione, pertracto simul in consensum universo nervorum systemate, fieri, & cum tam gravi omnium functionum læsione, quin ipsius mortis periculo, accidere, ut qui intermittentibus decedunt, sub hoc ipso pereant. Sane, si pro arbitrio motus vitales dirigere posset agens hoc, tutius longe & facilius foret, sine tam perni-

perniciali spasmo universalis habitusque corporis constrictione, copiosorem sanguinis & humorum motum ad morbi sedem sensim, amica magis ratione, amandare atque dirigere. Et quamvis tantisper largiamur, febres, praesertim quae intermillionem habent, corporibus crassis, copiosis & impuris succis farctis, quandoque prælatae medicinam & imminentes ex viscerum opulence longas & graves affectiones, motu humorum progressivo extraordinarie cum intensiori calore aucto, arcere: neutiquam tamen omnes intermittentes sanguinis & succorum abundantiam, impuritatem, nimiam spissitudinem, aut viscerum infarctum juncta habent, multo minus haec veram & adæquatam febrium causam & materialem formitem constituant, ut nec ea propter opus sit, tam impetuoso solidorum & fluidorum motu, atque humorum vitalium dissolutione.

### §. XV.

Quod porro ad illud assertum attinet: naturam maxime in febribus occupatam esse, quo sanguinem redundantem, dissolutoria quadam per motum intestinum resolutione, in corporis salutem imminuat; prorsus & quidem recte negamus, sanguinis & humorum abundantiam febris causam esse. Hoc enim si esset, plethorici frequentius sane febricitarent, & omnis generis febres tempestiva venælectione certo ac cito arceri possent atque præscindi. Eveniens autem sub febre sanguinis consumtio & in partes excrementitias dissolutio, est potius effectus & necessarium consequens febrilis caloris, naturæ plus inimica, quam amica, quia simul vires, a quibus motuum vitalium vigor pendet, dissipat ac destruit.

### §. XVI.

Eiusdem commatis est illud, quod humores crudi, viscidi, tenaces ex depravata maxime digestione oriundi & in primis viis hisque conterminis organis hærentes, fo-

mitem præbeant intermittentium. Rarissime enim evenit, ut ob vitium in diæta commissum, vel pravam digestionem, intermittentes gignantur. Longe magis vero copiosi acres, biliosi prima in regione succi, tertiana laborantibus molestias creant, in primis quum observemus, & juvenes, & cholericæ constitutionis homines, nec non iracundos, sub æstate ferventissima tertianis corripi, & his vomitus biliosos, dejectiones biliosas, solennes admidum esse urinasque flammei coloris, ob admixtas copiosas sulphureas & biliosas particulas, secedere. Ac licet denum nosmet ipsi vehementer improbemus adstringentium in cuiuscunque etiam generis febribus usum, minime tamē concedimus, chinæ corticem, cum judicio, habita naturarum & circumstantiarum ratione, debito ordine ac tempore oblatum, talem præstare effectum, ut potius, uti fusius infra docebimus, ad promovendas excretiones ipsamque perspirationem liberiorem reddendam, eundem aptissimum esse remedium, afferere non dubitemur.

## §. XVII.

Iam non incongruum, aut infructuosum erit, ut nostram de intermittentibus earumque generatione promamus theoriam, quo postea eo melius de methodo iis mendendi accommoda & de remediis adversus ipsas idoneis iudicare queamus. Id vero primo omnium tenendum, quod experientia constat, rarissime scilicet intermittentes unum vel alterum iudividuum ex vitio diætæ, vel digestionis invadere, sed plerumque grassari epidemice & ex præcedente insolita diuturna calida & sicca aëris intemperie oriri, tum quidem, quando corpus incautius vel borealibus ventis, vel auræ frigidiori & humidiori, sole maxime occiduo, exponitur, ut inde frigus notabilemque persentiat horrorem. Pari ratione plura novimus loca, humiliora nempe, paludosa, compluviis, stagnis atque

que piscinis eincta, crebro febrium proventu adeo infesta, ut indigenæ & advenæ perpetuo fere omnique anni tempore iisdem exerceantur & tardius ac difficulter sanescant, nullam certe aliam ob causam, quam quod ob aërem eiusmodi in locis densum, frigidum ac humidum infectorumque copia refertum, perspiratio languescat & sufflaminetur. Nulla enim unquam febris, præsertim intermittens, vel etiam catarrhalis, arthritica, rheumatica, nisi post imminutam & cohibitam excretionem curicularem, accedit, nulla facile recidiva, quam hoc facto, repeatit, neque minus etiam febrilis morbus eo gravior & diuturnior esse solet, quo magis hic saluberrimæ evacuacionis successus interceptus atque cohibitus.

## §. XIIIX.

Igitur, quando ingens recrementorum per pores cutis eliminandorum copia, sive ex aëris intemperie & præternaturali constitutione, sive ex malo in animi affectibus & victus ratione regimine fuerit contracta, perspiratio autem, quæ pro tanta sordium activæ, halitosa & salino-sulphureæ indolis, multitudine necessario sufficiens, quin auctior esse debuerat, constrictis nervosis & excretoriis cutis tubulis, valide potius impeditur, fit utique, ut motus serpi exrementitii aliossum & ad interiora vertatur. Quod quidem, sicuti in febribus catarrhalibus, ad glandulosa narium, faucium & bronchiorum loca, in rheumaticis & arthriticis ad membranas muscularum & nervoso-glandulosa artuum ligamenta, in diarrhoeis ad intestinorum tunicas evenit: ita intermittentibus in febribus idem ad abdominis secretoria & depuratoria viscera, hepar nempe, pancreas, ventriculi & intestinorum glandulas & glandulosas tunicas contigit. Heic vero confluens malignus humor, fermentales, lymphaticos, salivales & biliosos, digestioni & chyli elaborationi servientes luecos, inquinat, corrumpit ac intemperatos reddit, qui

con-

congesti, in duodenī maxime cavo, mutuo consermentantes & cum cruditatibus vitiosæ digestionis permixti, mora peiorem nervosisque partibus valde inimicam indolem contrahunt. Sic depravati & tam per poros, quam tubulos, successive ad sanguinem delari succi, quando ad nervosas, quæ cerebrum & spinalem medullam cingunt membranas pertingunt, infesta sua indole, universalem demum in vasorum & nervosarum partium systemate spasmodum concitant, qui febris essentiam constituit.

## §. XIX.

Febris quippe nihil aliud est, quam affectus & effectus systematis nervosi præter naturam affecti. Etenim omnia illa, quæ sub accessione febris affligunt symptomata, dolor scilicet capitis dorsi, maxime circa primam lumborum vertebram, dolor contulivus omnium artuum, ingens lassitudo & languor, frigus, rigor, horror, totum quandoque corpus concutiens, summa præcordiorum anxietas, spirandi angustia, cum inquietudine, pulsus arteriarum contractus, celer, parvus, inæqualis, vomitus, vel conatus ad vomendum, sitis saepè sub ipso frigore, alvi fortior stricturna, vel etiam fluxus, in nonnullis stimulus ad mingendum, mentis quoque ac sensuum, quam Dn. PRÆSES saepè observavit in senibus, præfertim quartana laborantibus, obnubilatio, satis superque testatum faciunt, graviter læsum & affectum esse nervorum sistema. Dum autem sub hisce symptomatibus ab exteriorum stricturna, sanguis ad interiora & vasa maiora, pulmones, caput & cor urgetur, ipsa sua copia cordis musculum ad vehementiorem pulsum celerioremque systolen exstimplat, quo fit, ut sanguis celerius & valide per vasa traiciatur, arteriarum motus vehementior & citior micet, æstuque sic maiori factio, spasmi nervosarum partium iterum laxentur, materia quæ hos excitarat excutiatur, sanguis ad ambi-

ambitum corporis appellatur, & ad apertis, remittente striatura, cutis spiraculis, sudor erumpat.

## S. XX.

Hac ratione febris primum generatur atque succedit, quod vero interposito aliquo tempore novus impedit paroxysmus, ita concipiendum esse arbitramur. Conflata illa, ex corruptis biliosis & lymphaticis salivalibus, cum indigesta alimentorum massa, succis, febris in duodecimo potithimum hærens materia, non omnis simul & semel, sed successive, ad sanguinem & nervorum systema transit. Deinde id quod ab hoc, ut ita loqui liceat, fermento, restitat, ab affluentibus ex hepate, pancreate & glandulis duodenii impuris succis, novum subinde accipit pabulum ac nutrimentum. Tum intestino illo mirum adauerto in paroxysmo motu, ipse sanguis & serum in mucidas falso - sulphureas fordes fatisficit, quæ quum non omnes die vacuo diffentur, intus manent & succos lymphaticos salivales ipsamque bilem inquinant magis atque corrumpunt. Accedit, licet a nemine, quod scimus, annotatum sit, quod intercalari die pulsus admodum languidus & debilis, partes quoque externæ ipsaque cutis magis frigidæ, quam calidæ sint, & perspirationem remissam minusque sufficientem, intuitu cordium excernendarum, esse, luculenter arguant. Demum etiam verisimilimum est, universale illud nerveo - fibrosum & tubulosum corporis emunctorium, cutem, tot impetuosis & plane contrariis spasticis, constrictoriis, sub sequente nimia remissione, motibus, nec non vehementiæstu, quoad tonum, robur & functionem suam admodum labefactari & vitiari, ut saluberrimum illud excretionis periphericæ negotium, sub toto febris decursu minus recte succedat ipsaque adeo sanguinis & humorum depuratio multum elanguescat. Quibus omnibus junctim expensis, in promptu est judicare, novum sic succrescentem sensim formitem

mitem, & certo interposito temporis spatio sufficienti quantitate collectum, novum iterum proritare febrilis paroxysmi insultum.

## §. XXI.

Quod autem rediens eiusmodi paroxysmus, non in omnibus intermittentibus idem recursus tempus servet; sed vel singulis, vel ternis, vel quaternis diebus repeatat, quandoque typum suum & accessionis periodum mutet, interdum etiam duplicer; id omnino ob impuritatum, ratione copiae & indolis plus minus activae & mobilis differentiam, largioremetque vel parciorem earundem ad primas vias affluxum, nec non ob diversam viscerum, praesertim hepatis, lienis & pancreatis, conditionem & statum, fieri, censendum est. Lueulenter certe id constitit elapso anno, quo, propter insolitam diurnam calidam & sicciam æstatis & autumni constitutionem, per universam fere Germaniam febres grassatae, quotidiane, tertianæ & quartanæ, simplices & duplices, micrum anomalæ, nullam omnino aliam ob caussam, quam diversam humorum indolem viscerumque constitutionem, pro varia temperamenti vietusque eorum, quos invaserunt, ratione.

## §. XXII.

Post intermittentium genesin & naturam, spectanda nunc adversus eas præsidia, quæ inter principem merito locum obtinet chinæ cortex, cuius ideo principia & quos in corpore vel cum emolumento, vel damno, præstat effectus, penitus paullo examini subiiciens. Est vero inter huius corticis elementa primo loco connumerandum adstrictivum. Patescit hoc ex sapore linguan constingente, quem tam pulvis ipsius, quam infusum cum aqua fervente factum, nec non liquor, affuso ipsi pitha vini purissimo, confect s, exhibet. Idem quoque confirmatur chymico experimento, dum solutio huius corticis, adjectio

adjecto vitriolo, more omnium adstringentium, nigrescit & atramenti colorem induit. Al erum, quod in complexu fovet elementum, est amarum, naturae plane aperientis, quod unanimi Medicorum consensu, febribus perdomandis aptissimum, quandoquidem omnia fere amara, ut herba absynthii, cardui benedicti, fumariæ, centaurii minoris, radix gentianæ rubæ, lignum colubrinum, antifebrilia suppeditant præsentissima.

## §. XXIII.

Accedit tertium chinchinæ ingrediens, naturae admodum gratum, balsamicum scilicet, quod sapore & odore, non tam pulveris, quam potius ex prolecta destillationis ope aqua, nec non vini spiritu, manifestatur. Quartum denum elementum est terrestre fixum, peracta solutione & extractione conspicuum, quod quidem hucusque penitus ferme neglectum fuit, egregiæ tamen virtutis, ad corrigendam, obtundendam & involvendam materiae febrilis, præsertim biliosæ, acrimoniam, eodem modo ac notum est, sola terrea, ut conchas, matrem perlarum, terram sigillatam & corallia, in sistendis febribus efficacia pollere haud spernenda. Agit igitur hoc simplex tota, ut GALENI loquendi formula est, substantia, & plura continet principia ad febres sanandas proficia, quæ rarius, vel plane nunquam, in ullo alio medicamento reperiuntur, eaque propter vehementer errant & falluntur ii, qui a sola facultate adstringente, febrifugum corticis Peruviani effectum derivare satagunt.

## §. XXIV.

Hæc autem hactenus allata tam febrium theoria & pathologia, quam vera febrifugi nostri principia, expeditam monstrant viam, ad rectam intermittentibus medendi methodum, & quo pacto chinæ cortex cum bonis ægrorum rebus propinandus. Diximus scilicet superius, mineram, sive caussam intermittentium materialem,

C 2

ex

ex affluxu copiosioris corruptæ bilis & salivalis laticis maleque digestis alimentis conflatam primis viis, & quam maxime flexuoso intestino duodeno, firmiter impactam hærere, ac inde successive certa quantitate ad interiora & nervosarum partium systema translatam, motus istos spasticos febriles concitare. Hinc utique in persanatione rationalis Medici intentio eo dirigenda, ut peccans hæc materia attemperetur, obtundatur, eliminetur ipsiusque ulterior & largior affluxus ex glandulis & cibis que biliaris cohibeatur. Et his certe indicationibus peritum corticis Peruviani usum, si non ex toto, tamen maxima ex parte, satisfacere posse, existimamus.

## §. XXV.

Largimur quidem, minus proficuum esse hoc antifebrile, quando prima corporis regio, redundante vitiosorum, præsertim viscidorum, acidorum & tenacium, succorum saburra obfessa, ut hos potius inviscando magisque immobiles reddendo, simulque adstrictiva sua via alvinam evacuationem suppressendo, multum noceat, ut tum quidem non modo materia febrilis retineatur, sed & dolores tensivi & anxietates circa præcordia augeantur, quemadmodum in his, qui diurna laborarunt quartana, senibus in primis & pueris, nec non oggetto crebrius & liberalius cortice, multoties vidimus. Quare tutius tum omnino & consultius est, hoc medicamentum vel plane omittere, vel non prius admittere, quam præmissis, quæ crassos, viscidos & tenaces humores attenuandi, incidenti & per alvi secessum evacuandi facultate pollut. Merentur hoc nomine laudem ex salium familia de prompta, sal scilicet ammoniacum depuratum, sal digestivum Sylvii, tartarus vitriolatus, arcanum duplicatum, sal Glauberianum, Ebhamense. Potissimum tamen in vincendis chronicis febribus spectatae virtutis salia ex aquis medicatis prolecta, ut Sedlicencse & Egranum, quippe quæ paulo

(o)

paullo majori dosi, ad unciam scilicet dimidiā, vel unam, in sufficiente quantitate aquæ soluta & aliquoties pro circumstantiarum ratione oblata, a colluvie visciderum sordium intestinorum canalem egregie expurgant. Magna quoque amarorum ad mucidos, tenaces & acidos succos incidentes, detergendo ac evacuando facultas, quorum in numero celebria sunt extractum cennaurii minoris, gentianæ rubræ, cardui benedicti, absynthium, rhabarbarum, aloës rite prius correcta & cicurata, quæ in lixivioso aqueo menstruo soluta & die vacuo, vel cum vino, vel cum spiritu vini oblata, egregie profundunt. His autem præmissis, tum ad intercipiendum nimium humorum vitiosorum ad primam regionem confluum, tum ad facilitandum perspirationis successum, cortex noster cum aliis, quæ operationem ipsius secundant, utiliter propinari potest.

§. XXVI.

Pari ratione ubi cruditates ex male digestis & corruptis cibis cum bile succoque salivali vitiatis, fomitem febris subministrant, & ratio dictitat, & experientia confirmat, liberandas, ante specificorum antifebrilium & roborantium usum, esse ab illuvie tam acidorum, quam biliosorum & corruptorum humorum, primas vias. Quod ut obtineatur, convenientissima sinit blanda emetica, vel æwū simul & nātūrā evacuantia, rejectis omnibus acrioribus drasticis purgantibus & validis emeticis, quippe quæ ventriculo & nervosis partibus admodum infesta, vires dejiciunt, & motus efferos potius intendunt, quam minnuunt. Nos, quam hunc in finem contendemus habemus mannam, cuius uncia una, vel duæ, cum uno, vel duobus tartari emeticis granis, clementissime, satis efficaciter tamen, sursum ac deorsum evacuant, ac, ut multiplici compertum habemus experientia, egregie intentio ni satisfaciunt. Et hoc factō, majori cum fructu & fe-

C 3

licioſi

Iteriori cum successu, antifebrile nostrum usurpare li-  
cet.

§. XXVII.

Contra ea plurimæ dantur febrium species, ut bi-  
liosæ, quartanæ & tert anæ æst vœ, duplices, continuæ,  
gravibus & acerbis symptomatibus stipatae, quæ plerum-  
que post d'uturnam præcalidam & sicciam tempestatis  
constitutionem, a bile nimis intemperata, acri, calida &  
volatili incunabula trahunt. Ad hanc earundem mate-  
riam figendam, ciecurandam, obtundendam ejusque co-  
piosiori ad intestina affluxum impediendum, cortex  
chinæ, præsertim in pulvere oblatus absorbentibusque  
ac nitrofis remixtus, egregie ex usu est, eaque propter  
paucos post paroxysmos propinandus. Sic multoties,  
largas biliosas dejectiones, præsertim in corporibus bi-  
lioæ naturæ & cholericæ constitutionis, felici admo-  
dum successu erupisse novimus, discedente paullo post  
penitus febre.

§. XXIX.

Quod quidem, sicuti experientia edocti scribimus;  
ita non minus eodem fundamento nitentes, de hoc cor-  
tice asserimus, quod perspirationem fulciat ac promove-  
at, in quo, si non præcipuum, certe non minimum, in-  
termittentes curandi repositum est momentum. Hæc  
enim, ut supra diximus, saluberrima evacuatio, quando  
supprimitur & fordes per eam evehenda ad interiora re-  
cedunt, primordiale suppeditat intermit- ntium causam,  
eo magis, quo major restituantur recrementorum bilio-  
forum in sanguine & humoribus est proventus. Dein-  
ceps eadem hæ fordes, ob succedentem parcus & lan-  
guidius die post paroxysmum vacuo hanc excretionem,  
copiosius denuo collectæ, palmariam repetentis paro-  
xyymi causam præbent. Ipsæ recidivæ non aliam accedunt  
obrationem, quam quod materia febrem movens exitu  
præ-

præclusa, uti potissimum sit, quando superata vix febre corpus paullo liberius frigido & humido aëri, circa stagna aquarum, in humilioribus locis, & templorum concamerationibus, vel etiam borealibus ventis exponitur. Liberiori quoque æstatis tempore cuticularis excretionis successui tribuendum, quod æstivæ tertianæ & quartanæ facilitioris sint sanationis, quam autumnales, quin, diuturnæ & contumacissimæ, etiam quartanæ, per autumnum, hiemem & ver afflgentes, accidente solstitio æstivo, sponte, sine medicina, conquiescant. Hinc demum pertenda ratio, quare, ut observationes fide dignorum auctorum confirmant, sæpe sola fortiori corporis, cursu, saltu, equitatione, ad sudorem usque exercitatione, nee non prolecto in balneo sudore, aut largiori vini potu, intermitentes admodum rebelles expugnentur & abigantur.

## §. XXIX.

Tanta utilitas tantaque necessitas huius evacuationis in febribus est curatione, eaque propter, quod etiam hoc nomine cortex noster laudem mereatur, penitus paullo evolvendum. Videtur quidem huic facultati obstatæ virtus ipsius adstrictiva, qua cutis poros stringi potius & perspirationem sufficiat in vulgo creditur. At vero non pure & positive adstrictivam, sed potius ob admixtum americanum & balsamicum ingrediens, roborantem virtutem nostro corticei adscribimus. Nam utrum eminenti facultate adstringente dotata, cuius generis sunt aluminosa, vitriolica, & ex vegetabilibus radix tormentillæ, bistortæ, si convenienti tempore & regimine in intermittentibus usurpantur, non penitus spernendam habeant effi aciam, præsertim quando post eorum usum decoctum vel infusum calidum superbibatur & fortiter corpus motu exerceatur; sed tamen longe alia est ratio, natura & virtus roborantium, quæ non tam terrea, constringente,

quam

quam potius simul balsamico, amaro elemento, in solidas corporis nostri, a tono deiectas partes agunt, iis robur, tonum atque vigorem & potentiam motricem conciliando, ut motus fluidorum catholicorum vitalium, qui potissimum a solidorum motu pendet, per compagem corporis mere vasculosam, promptior, citatior & expeditior fiat; quem nunquam non major & auctior per insensilem transpirationem, impuritatum excretio, summo cum fructu sequitur, ut longe tutiora sint puris adstringentibus. Et prosector, quæ ex remediorum genere robore & subadstringente paulisper balsamica virtute splendent simplicia, in morbis longis & difficilibus persanndis, magna præstare solent, & aliis longe superiora sunt. Hinc enim est, quod decocta herbarum quæ vulnerariae dicuntur, ut sunt nominatim fragaria, sanicula, melissa, agrimonie, veronica, scabiosa, marrubium, pulmonaria, hepatica, scolopendrium, nummularia, plantago, millefolium, consolida Saracenica, flores bellidis, hyperici, muscus pulmonarius, polychrestam & mirabilem certe, non tantum in vulneribus fere morbis, cachexia, phthisi, scorbuto, ictero, hæmoptysi, atque identidem febre quartana, sanguinem depurando, viscera obstructa reserando, nec non excretiones languidas promovendo, exserunt effectum, quæ tamen non proxime in fluidas partes, earum vitia corrigendo, sed potius in solidas, tonum & robur restituendo agunt, atque sic operationem suam exserunt. Neque nostro tempore, singularis corticis chaccarillæ virtus, qui paullo calidioris & plus, nostro cortice, balsamicæ naturæ est, in sistendis nimiis alvi fluxionibus, etiam dysentericis, ignota est, qui cortex etiam decenter usurpatus in febribus intermittentibus, item lentis, quæ ex stomachi & digestionis vicio proveniunt, curandis, non spernendam opem confert.

§. XXX.

## §. XXX.

Est itaque tam salubris & spectata corticis chinæ virtus, ut roborando solidorum tonum, circu'um sanguinis, excretiones, maximeque insensilem per cutis spiracula, egregie promoveat, eaque propter per ipsam experientiam confirmatum habemus, ab eius u'ū, mox virium accedere augmentum, vigorem corporis & animi restitui, appetitum antea emortuum resuscitari, cum omnimoda paroxysmorum febrilium cessatione. Observarunt etiam hos insignes & eximos effectus alii præclari Medici, cuius rei testes citamus LISTERVM, BOHNIVM, SYDENHAMVM, DECKERVM, BERGERVM, IONES, MORTONEM, D'AQVIN, qui unanimi suffragio testantur, quod cortex egregie ventriculum roboret, appetitiam acuat ac deficientem corporis calorem excitet, vires reficiat, nec solum perspirationem promoveat, sed etiam urinam, subindeque alvum, præsertim fere censit, moveat. Et perite demum adjiciunt: omnes, qui cortice infebribus hoc effectu usi, a febre liberos manfisse, nec ullo inde oriente symptomate atque incommodo fuisse afflictos. Monendum tamen, has tam egregias operationes, non a sola excretione cuticulare aucta derivandas esse. Nam non modo pluries a nobis observatum est, sub largo etiam & continuo diebus vacuis sudore, paroxysmos nihiloceius repetiisse, nec vires, nec appetitum, inde accepisse incrementum, sed & ipsa experientia compertum est, ea, quæ sudorem movent efficaciter, ad sistendos febriles paroxysmos, non adeo esse apta atque conducibilia. Ingens quippe est differentia, inter sudorem, qui saepius a virium prostratione & deiectione cutis tono provenit, & inter perspirationem auctiorem, quæ ex vegetiori ac celeriori sanguinis per universum corpus circuitu, ex pulsuum vigore & æqualitate dignoscendo, resultat. Et hæc non tam positive sudori-

D

fe-

feris, motum intestinum calidum in sanguine carentibus, procuratur, quam potius iis, quæ tonum solidorum, cordis vasorumque dejectum fulciunt & adducunt, quo- rum in numerum noster quam maxime referendus est cortex.

### §. XXXI.

Neque etiam nostra fert sententia, semper & omni tempore unicum hoc nostrum præsidium, roborando, & circulum sanguinis, & perspirationem augere, in iis, qui febre laborant, sed utique opus est, ut corpus sit dispositum, viæ & excretoriorum tubuli patuli, nec spasmus constricti, humores tenues & fluxiles, non crassi, viscidi & immobiles, ipsius quoque remedii virtus integra, nec a vitiosis primarum viarum succis obtusa aut enervata. Eadem enim corticis nostri est ratio, ac martialium bene præparatorum, quæ itidem adducendo solidorum tonum, sive universum sanguinis & humorum progressum promovendo, egregios quidem in longis ac rebellibus morbis expugnandis præstant effectus, non tamen semper & absolute tales, sed tunc demum, quando & solidorum, & fluidorum, apta & conveniens est ad aperiendum & excretionum successum dispositio. Atque adeo quum roborando perspirationem moveant ex marte confecta, in proclivi est ratio, quare flores salis ammoniaci martiales, nec non cum haematis te parati, in pulvere, vel cum spiritu vini in essentiam redacti, crocus martis tenuissimus, limatura martis in rubiginem versa & in subtilissimum pollen communata, ad compescendos, immo tollendos febriles motus, eum prudentia usurpata, idem fere ac chinae cortex, præstare solcant, contra vero quando empirice, nulla corporum, naturarum, circumstantiarum & temporis ratione habita, ingeruntur, noxam inferant non levem.

### §. XXXII.

## §. XXXII.

Quæ quum ita sint, speciosum omnino videtur dubium, vel monitum: tuis forsan esse famaque & conscientiae Medici magis conducibile, tam in quorumvis morborum, quam speciatim intermittentum medicatione, penitus ab eiusmodi remediis, quæ tam exactam in applicatione, ne noxam inferant, exigunt circumspetionem, abstinere, & potius præcipuum sanationis negotium naturæ committere, adhibitis duntaxat iis, quæ humorum intemperiem corrigunt eosdemque mobiles ac fluxiles reddunt. Sed tenendum utique, non semper tu-to & cum bonis ægrorum rebus hoc fieri posse. Docet enim experientia, adeo rebelles & infensas nonnunquam esse intermitterentes, ut observato quantumvis exquisito regimine, adhibitis quoque tutis & selectis remediis temperantibus, diluentibus, blande evacuantibus & diaphoresin finito paroxysmo elicientibus, nihilo tamen feciis per complures menses, quandoque integrum annum & longius perdurent, corpus emacent vi resque penitus deiciant. Quin, licet his febris vehementia tantisper fracta fuerit, ob magnam tamen diuturnitate inductam imbecillitatem, quæ CELSI effato omnibus morbis patet, accidente levi in vitæ victusque ratione errore, ex facili vel febriles motus, leviores quidem, recrudescunt, vel alii morbi, præsertim si copiosior cibis ingestus, cachexia febrisque lenta pullulant, ut etiam, qui minus favent huic nostro febrifugo, ipseque BAGLIVVS l. c. fateri cogantur, in fine, quando febris vires per longum tempus contriverit, ad ventriculum totumque corpus roborandum, nostrum usurpari posse corticem. Ne dicam divites, Magnates & delicatae impatientis naturæ ægros, promtam exposcere opem & diuturnitate temporis obtinendam spontaneam sanationem penitus respuere. Et certe multi & magni morbi, præsertim qui ex abundan-

D 2

tia

tia & impuritate succorum succrescent, sine medicina, sola abstinentia & inedia, feliciter arceri possent atque sanari, sed quia plures hæs molestias subire recusant, vnaeactio in auxilium vocanda, abstinentia longe intutior. Providendum igitur, ut modo sine noxa fiant omnia.

## §. XXXIII.

Aliud, quo multi, etiam periti Medici, corticem nostrum suspectum reddere nituntur, argumentum est, quod eiusmodi constringentia & roborantia motus & paroxysmos febiles suspendant quidem, cauissam vero & materiam febris non tollant, quæ postea vel recidivas, vel novos peiores morbos inducat. Verum superius iam evicimus, ita compatatum esse chinæ corticem, ut, si recte, debito ordine aliisque accommodis remediis nuptus, usurpetur, febris etiam cauissam tollat, promovendo nempe perspirationem destructumque tonum restituendo. Ad hæc incident sæpe casus, ubi motus morbosos, etiam febiles, relicta tantisper cauissa, compescere & ad tempus tollere expedit. Tam atrociter enim quandoque sœviunt paroxysmi in tertiana, v. c. continua & dupli, ut consumtis ob vigiliam & iugem æstum nimium viribus, corpus morbo diutius sustinendo vix amplius parsit. Heic omnino uile, immo necessarium est, infestos hos motus ad tempus suspendere, quo maiori cum fructu ad tollendam febris cauissam applicari possint remedia, tam corrigentia, quam evacuantia, quæ sub tanta insultu febrilis vehementia, & turbata plane tamdiu motuum & functionum naturalium ceconomia, vel nihil proficiunt, vel contrarium prorsus interdum exserunt effectum.

## §. XXXIV.

Maioris momenti, ad evertendum chinæ usum, videtur quorundam assertum: testari quotidianam fere experientiam, multos inde in graves, immo funestos & immedicabiles morbos, fuisse præcipitos, hecicas scilicet

&amp;

& lentes febres, cachexiam, hydropem, pathemata spasmodica, hypochondriaca, hysterica, quin, pueros praesertim, convulsivos plane & epilepticos motus. Nam neutquam quidem negamus, infelices admodum passim in febrium curatione observari effectus, si febris fugum nostrum minus perite usurpetur. Sed quis est, qui nesciat, summae efficaciae praefidia, venæctionem, emetica, purgantia, opiate, mercurialia & martialia, item ex auro & antimonio parata, nec non salia volatilia animalium, balnea Laconica & medicamenta spirituosa, si empirice & non cum iudicio atque discriminé in usum trahuntur, perniciem noxasque inferre posse lethales plane. Nemo tamen facile hanc inde formabit conclusionem: ergo hoc omnia medico usu carent & prorsus sunt reiicienda; ita potius argumentandum: quia tam promta ad iuvandum, quam nocendum haec generosa sunt remedia, ergo recte iisdem utendum. Longe maiori vero iure eadem argumentatio valet in usu nostri corticis, qui ne quidem his magnæ activitatis remediis accensendus. Illa quippe in complexu suo quippiam fovent, quod exili mole subito ingentes in corpore suscitat mutationes, hic autem non, sed si effectum exercere debet, maiorem molem, ad uncias aliquot, successive sumendam, exigit. Neque etiam adversum naturæ humanæ remedium esse corticem chinæ, ex eo recte colligitur, quod in morbis, ubi vires imbecilles nervorumque sistema affectum, eximio cum frumentu exhibeat, ac ob id non modo in febribus, sed & experientia teste, in alvi fluxu, vomitu, dysenteria, malo hypochondriaco, hysterico & podagricis doloribus, ad firmandum ventriculi, intestinorum & nervosarum partium tonum, apprime ex usu sit.

## §. XXXV.

Demum id quidem omnes sere concedunt, superata propemodum naturæ auxilio febre, ad compescendos,

D 3

qui

qui in habitum & consuetudinem abierunt febriles motus, febrifugum nostrum nonnullius esse usus; quod vero statim in principio, post unum vel alterum paroxysmum tuto in usum vocari possit, pernegrant maxime isti, qui naturam febre tanquam remedio sapienti consilio uti censem, ad amoliendas causas quæ vitæ periculum strunt, persuasi, optimam & salutarem naturæ intentionem hac ratione turbari. Sed supervacaneum plane esse hunc metum, experientia, optima medicarum etiam veritatum magistra omnibusque ratiociniis superior, luculentè admodum docet. Nobis certe innumera fere nota sunt exempla eorum, qui tertiana epidemica gravibusque symptomatibus invadente correpti, hac methodo tam feliciter sanati, ut expurgata, post tertium vel quartum paroxysmum, per superiora & inferiora, efficaci medicina, corporis regione, altero post die antifebrile ex cortice chinæ electuarium, congrua dosi, ordine ac tempore, sumserint, & hoc factœ, post quartam vel quintam statim accessionem, nullam amplius experti sint, sed perfecte cum sanitate in gratiam redierint, præsertim, quando post huius medicaminis usum, corporis exercitatione perspirationem auctiorem proritarunt & medicamenta roborantia stomachica simul usurparunt. Atque etiam id ingenuæ affirmare possumus, nos frequentiori observatione didicisse, & longe difficultiori negotio, & longe maiori cautione, corticem nostrum febri opponi, ubi haec aliquandiu per aliquot hebdomades, vel menses, corpori inhæsit, quam ubi haud ita pridem illud invasit; eo quod, quo diuturnior febris est, eo maior recrementorum ex dissolutione sanguinis, per motum calidum intestinum, nascitur copia, quæ postea ægrius & corrigitur, & educitur.

## §. XXXVI.

Idem nobiscum censem præstantissimi in arte viri,  
inter

inter quos nominasse sufficiet BOHNIVM, qui peculia-  
ri *dissertatione de fuga febrium minus suspecta*, id pluri-  
bus adstruxit, nec non BERGERVM qui in citata su-  
perius docta *dissertatione, de chinchina ab inquis iudiciis*  
*vindicata*, ita apprime ad veritatem §. 9. scribit: *non pos-*  
*sum probare vulgari medicorum cantilena seductam SY-*  
*DENHAMI cautionem, ut ne præmature nimis, ante-*  
*quam febris ipsa suo se marte aliquantis per protriverit, in*  
*usum hic cortex ducatur, ne egrotantis vita periclitetur si*  
*sanguini omni fermentationis nisu se despumanti, derepen-*  
*te remoram iniciamus.* Rectius PADVS, DONZELLVS,  
LISTERVS, MORTONVS, IONES & maxime BOH-  
NIVS, docent, præmissis quidem, si opus fuerit, evacu-  
antibus, ac præsertim emeticis, mox ineunte morbo &  
antequam febris radices egerit & succos visceraque ac vi-  
res corporis labefactarit, usu corticis vires illius feliciter  
frangi & atteri. Hic nec recidivarum, nec illorum metus  
est malorum, quæ BAGLIVVS usui corticis adscribit, quum  
potius febris perverse curationi & corporis impuritati de-  
buisset causam dare, quia recto corticis usu egregie adiu-  
vantis, causam illorum malorum una cum febre tolli, &  
ratio suffragatur, & experientia monstrat, ita, ut lauda-  
tus BOHNIVS testetur, innumerabiles fere, quibus, ab i-  
nitio morbi, corticem præbuerit eoque febrem sanaverit,  
nihil damni perceperisse.

## §. XXXVII.

Ad rectum igitur, securum & efficacem huius me-  
dicamenti in febribus debellandis usum stabiliendum &  
confirmandum, annexemus ultimo loco salutares quas-  
dam cautions & præceptiones, quibus rite observatis,  
non facile quispiam cortice nostro nocebit.

I. Chinæ cortex non est in usum trahendus, nisi  
evacuatis primis probe, sive per superiora, sive inferio-  
ra, foribus & eruditatibus ex prima corporis regione,

mis

nisi apertis viis, contemperatis prius & mobilioribus faetis atque ad exitum praeparatis peccantibus in sanguinis & humorum massa succis, iisdemque tam per urinarias vias, quam cutis spiracula expulsis. Hunc in finem conductibilia sunt absorbentia terrea, salia neutra, nitrosa, diluentia, fontium medicatorum potus, leniora evacuantia ex manna, rhabarbaro, cassia, cum, vel sine aliquot tartari emetici granis, pilulæ balsamicæ ad mentem BECCHERI confectæ, diluentia, infusa theiformia. Et horum usi, vel brevius, vel longius, ex consilio Medicci insistendum, pro varia humorum, viscerum & corporum laborantium constitutione, prætermittendo tres, quinque septem, ac in repletis & impuris corporibus, plures paroxysmos.

II. Neque etiam facile cortex exhibendus, nisi paroxysmus discedens sudore terminetur & urina intermitente die sedimentum ponat.

III. Quod si incidit, febre iam per aliquot menses ægrum fuisse detentum, ante febrifugi usum, inquirendum in naturam humorum, dispositionem viscerum, excrementorum & excretoriorum statum, nec non quæ medicamenta antea adhibita, ac tum pro circumstantiarum ratione medicationem tam præparatorio, quam curatorio scopo accommodam, instituere expedit.

IV. Maiori cautione opus est, vel corticis usus plane omittendus, si corpora viribus exhausta, animi affectibus obnoxia, senilia & viscera infarcta cacheatum statum produnt, si ægrotantes pathematisbus spasmodicis, hypochondriacis, hysterics & criticarum hæmorrhagiæ suppressione laborant, si vacuis etiam dibus spasini non penitus silent, sed alvus adstricta, præcordia anguntur, sudor nullus, urinæ crudæ & tenues, hypochondria tumida & pedes œdematosi. Hæc enim si præsto sunt, expedit potius febriles motus blande moderari,

derari, donec ipsi, vel loci mutatione, vel aëre acceden-  
te sereno calido, conquiescant, vel potis, ex medentis  
consilio, thermis, aut acidulis, penitus abigantur.

V. Pariter in quartana diurna, si per semestre spa-  
tium affixit, corpus inde enervatum & frigus cum an-  
xietate magnum urget, tutius abstinere ad tempus a  
cortice eundemque reservare temporis, curationi accom-  
modo.

VI. Ipse cortex optime redigitur in electuarium,  
quod efficacius & magis ad palatum, quam pulvis. Huic  
vero pro natura & differentia ipsius febris, corporis la-  
borantis & humorum peccantium, partim diaphoretica,  
partim roborantia & resolventia admiscenda. Sic Dn.  
PRÆSES in tertiana valde biliosa electuario hunc in  
modum confecto uti suevit: recipe rob sambuci unciam  
unam, corticis chinæ drachmas sex, extracti florum  
chamomillæ vulgaris, nitri depurati, antimonii diaphoretici,  
sive cerussæ antimonii, singulorum drachmam, iule-  
pi rosarum, quantum sufficit. M. In febre autumnali &  
chronica: recipe rob sambuci uncias duas, corticis chi-  
nae unciam, extracti cardui benedicti, salis absynthii, ce-  
russæ antimonii, pulveris cascarillæ ana drachmam unam  
cum dimidia, siripi corticum aurantiorum quantum sa-  
tis est. M. In febre quartana: recipe rob iuniperi, sambu-  
ci, pulveris chinchinæ ana unciam unam semis, extracti cen-  
taurii minoris, salis ammoniaci, cerussæ antimonii singu-  
lorum drachmas duas, balsami vitæ Hoffmanniani gut-  
tas XXX. spiritus salis ammoniaci vinosi tantundem. M.

VII. Ita concinnatum electuarium, non paroxysmi,  
sed vacuo, & in tertiana quoque continua, remissionis  
tempore, propinandum, ita quidem, ut duabus, vel tri-  
bus quibusvis horis, una, aut duæ ipsius drachmæ deglu-  
tiantur, bibendo postea, in tertianis biliosis, aquam flo-  
rum sambuci, in autumnalibus, vinum Rhenanum, in

quartana Hungaricum, & manè, nec non post meridiem, sorbillando infusum theiforme, detinendo simul corpus in temperate calido loco, illud ab omni frigore defendendo & abstinentia a pescibitis, carnisibus & crasse materiæ cibis.

VIII. Secundat quoque febrifugi nostri operatio nem motus & exercitatio corporis, quæ saluberrima ad febris curam perspiratio insigniter promovetur.

IX. Insistendum curæ per unam minime hebdomadem, deinde sublato paroxysmo & appetitu redeunte, semel quotidie, ac domum alternis diebus, dosis capienda.

X. Durante usu, quando alvus adstricta, ea primum non nisi clystere emolliente & leniter stimulante officii admonenda, non vero tentanda per purgantia, ne recidivæ accedant, eo quod horum usu perspiratio retrahitur & humorum excrementiorum affluxus ad intestina revocatur. Postea vero manna cum cremore tartari locum habere potest, nec non pilulae balsamicæ Becherianæ, Stahlianæ, vel nostræ, cum sale quodam apertivo, intermedio tempore & sub fine propinatae, ita tamen, ut post alvi subductionem, semper iterum exhibeatur dosis electuarii.

XI. Discedente demum penitus febre, corpus aliquandiu in libera perspiratione adhuc servandum, aer gelidus, venti boreales & septentrionales, nec non omne externum frigus, loca humida, vappida vitasida, & usurpanda elixiria amara, stomachica, roborantia, uti est elixirium Dn. PRÆSIDIS in notis ad Poterium descriptum, elixirium stomachicum MICHAELIS, quæ manè, vel in prandio sumta, non modo ventriculum roborando, sed & excretionem per cutis poros fulcendo, egregie prosunt.

XII. Vbi vero teneriora sunt corpora & spastici in  
ven-

ventriculō motus urgent, tutius corticis in electuariō & pulv̄e usus omittitur, isque in essentia, liquori anodyno & balsamo vitæ Dn. PRÆSIDIS remixtus, rectius offertur. In quartana quoque nonnunquam meliori cum successu in infuso cum viño, adiectis amaris, exhibetur.

XIII. In genere autem tenendum: quod, si usurpato antifebrili nostro, succedens proximè paroxysmū minuatur, vel sileat plane, plenaria exspectanda sit sanatio; contra, quando is eadem persistat vehementia & præterea pressorius in stomachi regione observetur dolor, consultum magis est, desistere ab usu & curam differre.

### §. XXXIX.

Atque hæc sunt, quæ inpræsentiarum exponere placuit, eum maxime in finem, quo omnibus constaret, chinæ corticem, non tam suspicuum & pertimescendum in febribus aliisque morbis esse remedium, ut perperam a quibusdam creditur, sed tutum, efficax & innocens, modo accedit medens, qui cum iudicio & ratione sua perficiat, nec ea propter noxiam subinde emergentem medicamento, sed vel perverso usui, vel erroribus ægrotantis, vel etiam neglectæ reliquiarum remotioni, merito esse tribuendam. Iis autem, qui præcepta rationalis Medicinæ non ad amissim callent, auctor suasorque est Dn. PRÆSES, ut ab omnibus heroicis pharmacis, & hoc etiam cortice, penitus abstineant, quo tutius & innocenter suam exercere possint  
Empiriam.

F I N I S.

Fabia

**F**ama loquax Vatis vulgavit nobile  
dictum:  
Non procul a proprio stipite poma ca-  
dunt.

**E**st, Bornmann, Tibi, præclarus san-  
guinis Author,  
Qui magnum medica Nomen in Ar-  
te gerit.

Legisti cum laude Patris vestigia chari,  
Teque suo erudiit Docta Minerva  
sinu,

Sic nunc Laurus opus felici fine coro-  
nat;

**A**ccipe: Nam dignis præmia dan-  
tur ea,

**GEORG. DAN. COSCHWITZ.**  
M.D. An. Chir. & Bot. P.O.



